

## **Kantonalno tužilaštvo Unsko-sanskog kantona**

Ovo Tužilaštvo podiglo je dana 21.06.2013. godine optužnicu koja je potvrđena od strane Kantonalnog suda u Bihaću, protiv:

### **PROTIV:**

**MUJAGIĆ SULEJMANA, tzv „Brada“,**

### **D A J E**

Tokom rata u R Bosni i Hercegovini u vrijeme oružanog sukoba između pripadnika 5. Korpusa Armije R BiH i pripadnika vojske tzv. Narodne odbrane Autonomne pokrajine „Zapadna Bosna“, kao pripadnik vojske tzv. Narodne odbrane Autonomne pokrajine „Zapadna Bosna“, postupajući suprotno odredbi iz člana 3. stav 1. alineja a Ženevske konvencije o postupanju sa ratnim zarobljenicima od 12. augusta 1949. godine, te člana 4. Dopunskog protokola ( Protokol II) uz navedenu Konvenciju, tako što je:

Dana 06.03. 1995. godine u području Kumarice, općina Velika Kladuša, kao komandir 3 voda, 3 čete u sastavu 1 brigade tzv vojske Narodne odbrane Autonomne pokrajine „Zapadna Bosna“, nakon što su pripadnici spomenute vojske u toku izvođenja borbenih dejstava toga dana zarobili B.E. i Ć. N., pripadnike 505 vbbbr u sastavu 5 Korpusa Armije RBiH, koji su prethodno odložili lično naoružanje, prišao ovima nakon čega ih je fizički zlostavljao tukući ih nogama na kojima je imao vojničke čizme, šakama i kundakom puške a potom sa udaljenosti od oko dva metra, u namjeri da ga liši života, ispalio kraći rafal u predio stomaka i nogu B.E. nanijevši mu strijelne rane obadvije natkoljenice i lijeve potkoljenice od kojih povreda je ovaj odmah umro da bi potom nastavio sa fizičkim zlostavljanjem Ć. N. a zatim ispred i u noge ovog zarobljenika ispalio više kraćih rafala te mu te prilike nanio eksplozivnu ranu desne potkoljenice sa prijelomom deblje kosti desne potkoljenice usljed kojih povreda je Ć. N. trpio snažne bolove, a nakon svega se udaljio sa mjesta opisanog događaja.

**Dakle,** kao pripadnik vojske tzv Narodne odbrane Autonomne pokrajine „Zapadna Bosna“, kršeći pravila međunarodnog prava za vrijeme rata u R BiH, izvršio ubistvo jednog zarobljenika a drugog teško tjelesno ozlijedio.

**Čime je** počinio krivično djelo - ratni zločin protiv ratnih zarobljenika iz člana 144. preuzetog KZSFRJ.